

北京圖書館古籍珍本叢刊

史部·地理類

〔嘉靖〕廣西通志

殿
粵
要
纂

北京圖書館古籍珍本叢刊

41

書目文獻出版社

ISBN 7-5013-1389-X



9 787501 313891 >

北京圖書館古籍珍本叢刊 41

史部·地理類

〔嘉靖〕廣西通志

殿專要纂

編者 北京圖書館古籍出版編輯組

出版 書目文獻出版社

（北京文津街七號）

印刷 北京大興古籍印刷裝訂廠

定價 叁佰壹拾圓

ISBN 7-5013-1389-X/Z·209

〔明〕林富黃佐纂修

〔嘉靖〕廣西通志

六十卷

據明嘉靖刻藍印本影印

目錄

〔嘉靖〕廣西通志 六十卷 一

殿粵要纂 四卷 七二三

廣西通志序



嘉靖己丑莆田省吾林公富以侍郎兼都御史來總督吾粵南軍務撫巡其人民既至定規模嚴號令選將練兵信賞必罰未數月聲振南土間索吾廣輿地志於掌故以謂爲人上者於所部之山川疆域土風民俗人才食貨以至邊防兵政之類苟未能一周知則無以酌古準今施於政教興化善俗禦患安民紆

九重南顧之憂慰一方士民之望於是慨然以爲已任而以修纂之事屬之提學僉事香山黃君佐君乃發凡舉例因舊爲新刪繁撮要闡幽訂訛

圖經爲表爲志爲列傳爲外志總六十卷以成公志而是非取舍則一皆裁決於公吾廣故無通志弘治癸丑提學副使廬陵周君孟中始創爲之嘉靖乙酉提學僉事瓊山唐君冑續加修輯輔以武選鄭郎中琬汝州徐知州淮欽州楊知州梁皆吾粵產也書未脫稿唐君以遷官去前總督都御史慈谿姚公鏌夙有志斯事會以邊警用兵不暇委之叅政瓊崖黃君芳刊補未竟尋亦遷任庚寅之秋公始以屬提學黃君檇甫就緒其冬黃君又以省母歸矣黃君之將歸也以其意授梧州舒同知栢輩俾因舊稿

稍加校訂明年辛卯公既平新寧之寇其秋自羊城抵蒼梧再閱前稿手自竄定始秩然成書遂以鋟梓於戲非公身任政教之責倦倦幸惠一方之人則是編雖更前後諸賢纂輯刪潤亦終與塵埃蟲鼠共敝於敗篋中耳安望其秩然成書梓行於世哉先

廣西通志

序

一

五

一四

王疆理天下物其上宜齊其政而修其教九州之志自上世已與三墳五典偕號為帝王遺書禹別九州分其圻界周則大司徒以天下土地之圖周知九州地域廣輪之數而道地圖以辨地物則上訓掌之道方志以知地俗則誦訓掌之凡若此者豈徒事

廣西通志

五

一四

彌文以飾吏事哉辨封域則欲其慎固別淑慝則欲其勸懲錄丁口頃畝則欲徭役均平書學校教化則欲習尚淳樸以至物產豐耗吏治得失莫不各有微意於其間皆所以為政化計天下郡邑志之所同也至于文事武備內修外攘則在吾廣尤不可以一日弛故今之所志於兵防夷情尤致意焉蓋禹貢文教之揆武衛之奮周職方氏辨其邦國都鄙之人民雖四夷八蠻亦莫不然所以別內外之限嚴華夷之防其為吾廣生民慮也周且遠矣吾廣僻居南徼夷寇侵軼無歲無之文獻不足於徵蓋有不勝

其可慨焉者自昔方志之所紀載
沈懷遠之南越志莫休符之桂林風
土記劉珣之嶺表異錄范旻之邕莞
雜記周去非之嶺外代答皆徒有其
目而無其書其書之存於世為士大
夫所共稱道者在宋惟一桂海虞衡
志作於文穆范公成大者在

本朝惟一桂林志作於禮侍陳公璉者
然文穆所志止於山川物產禮侍所
志止於一郡數邑況自宋至今上下
數百年而簡編紀載希闊寥寂僅僅
若此事之遺闕夫豈少哉此今日修
志之舉在公自不容於少緩也使後
之宦于斯游于斯生長于斯者皆知

是書大有關於政教是繼是承以禪
續於無窮則由今可以知古由後可
以知今吾廣文獻將自是不患於無
徵其為利益未可以一言而盡也寬
卧病山中快睹鄉國圖志梓行於時
既深為吾廣士民幸又獲挂名卷中
尤竊以自幸顧衰朽塞拙弗克出一
詞以贊之不能不愧汗也爰筆寬之
所以幸且愧者以告于公用以謝不
敏云
嘉靖壬辰春正月甲子洮陽病叟
蔣寬書于湘皋之
賜閒堂

廣西通志序

九丘軼禹貢作職方王制其又作也
嗣是而作輿地寰宇王會河渠命曆
通典代且數家至

大明一統志而制備焉其在廣西志為
域古荊州星翼軫為疆秦漢隋唐已
入版圖為沿革或隸荆交隸嶺南嶺

南西道隸桂管或領以靖江守臣山
川風俗壤則民數官聯政體隸畢
具郡邑又釐而翼之抑又備矣是何
以作國其大郡邑其細大舉其綱細
釐其目目者多則詳近略遠粹古遺
今離而合之會而通之預有風教者
責焉譬如衆星台輔藩垣女柳氏胃

各一其次參互經緯各有屬焉拱向
同也嘉靖己丑予始至鎮搜次故實
以祇若

王靈以與民更始久之乃得舊志及前
提學僉事唐胄續增遺編率多殘闕
舛迂曰與其敝敝簿書其於民末也
乃議成于藩臬而以提學僉事黃佐

廣西通志

序

二

事纂修使簡若屬與良副焉積為目
五卷六十首圖經次表次志次列傳
又次外志羽翼一統會郡邑升降損
益有大機焉締求其故秦漢以前一
時也隋唐以降一時也逮乎

皇明建國以至于今日又一時也風氣
人文邦典與事誕章功緒謂不有底

周之始之中之終之與時宜之者乎
此酌古準今之鏡監也此通志意也
乃若曰惟地惟人其在內服則進之
在外則遠之薄也匪斯民之為薄自
薄也翼

聖謨贊

神化奚容以有間哉

嘉靖辛卯冬十月朔

賜進士第通議大夫兵部右侍郎兼都

察院右僉都御史奉

勅提督兩廣軍務兼理巡撫莆陽省

林富書



廣西舊志序

大明一統志所以紀天下之事也次而各藩省有
所以紀一方之事也又次而各郡邑有志所以
紀郡若邑之事也所紀有廣狹所書有詳畧其
勢不得不然也竊觀一統志嘗經

英宗皇帝御裁凡宇宙之大古今之迹靡不備載要
皆祖述帝王而作誠千萬世不刊之典臣民所
當遵守而不倍焉者廣西舊無志都憲吳興閔
公珪方欲修纂適侍御山陰祁公司貢來按歷
所至悉取郡邑志付孟中謹遵一統志纂焉

廣西舊志

序

懇辭不叙弗獲於是率桂林庠生朱鏞等據郡
邑志纂集可去者去之可存者存之未備者缺
之首書布政司都司按察司以見三司並治而
統乎諸屬次列郡邑衛所以見百職聯屬而隸
乎三司自餘山川藩府宮室關梁壇壝祠廟
學校科目以至人物名宦列女悉依例書之然
其間亦時加詳焉者一統志紀天下之事視藩
省宜畧是志紀一方之事視一統志差詳視郡
邑志差畧特異勢殊不得不然非敢有所倍也
總郡邑為四卷自漢唐以來凡賢人君子或觸

景而發為詩章或因事而見於文字分為詩七

一卷文志二卷其議論有關於施設政蹟可傳
為法則者別為經畧志一卷類非關於世教者
弗敢錄也雖然所書之目固博皆所以示勸懲
而已故人物名宦流寓惟書其可法者譬猶山
川紀其望而丘垤溝澮不暇書矣凡生於斯與
游於斯者仰其望而思效焉是方將益丕變而
與中州等矣志成桂林守梁鐸請鐫梓遂書此
以引其端云

弘治六年歲次癸丑秋九月吉日

廣西通志

序

二

賜進士出身中憲大夫奉

勅提督學校廣西按察司副使盧陵周孟中書

廣西舊志序

廣西志者自三司下逮諸郡若縣而類志之者
也郡縣嘗有志矣我

朝又有一統志矣廣西可不必志也然郡縣志各
存存司散佚不可考一統志紀載簡畧而莫之
悉考欲諸皆可考而又可悉考必有待于一省
志也廣西其可以不志乎頃者

上命都御史閔公瑤來核巡撫又命監察御史邢

公同負來核巡按所至之期是有先後風政大
行之餘軫廣西不可不志之者則同一盛心也

廣西通志

序

三

於是以前屬于提學臬副周君孟中君遂取郡縣
舊志參互考訂信者傳之疑者闕之纂修甫成
珙監與校焉君謂珙宜序其後於手志豈易言
哉古者天子而下若列國皆有史以紀志時事
得失寓勸戒也暨秦郡縣天下而國史廢後世
遂有郡縣志郡縣統于省即今之布政司也省
視古列國省有志視古國史亦以寓勸戒也志
豈易言哉廣右邇在西陸民夷雜處為民者四
士事詩書農桑耕稼工作器用商通貨財祭音
徒民五十萬填嶺南者此豈其後與為夷者耶

四德操矜矜熟者供賦役生者習操掠古謂雕
題豈此皆其種與郡邑民夷相半者流官治之
樂為夷者土官治之大抵夷皆羈縻之爾然則
夷果不可民乎夫天生萬物而各性之以有君
臣父子夫婦兄弟之誼者人與夷狄禽獸一也
但夷狄雜而禽獸偏耳夷狄不能性其性則亦
禽獸而已矣燕民不能性其性則亦夷狄而已
矣此春秋所以嚴內夏外夷之辨也然流官長
貳例以儒而長為土官者貳以儒且總監之以
中外諸大僚而儒者焉考于志可樂見則所以
化夷而民之者其不在於儒乎是又春秋責備
賢者之義也凡皆志中意有勸戒寓焉者故推
以告百有位其共圖之

弘治癸丑歲陽月上浣

賜進士出身太中大夫廣西左叅政前南京吏部
選郎中淳梁程廷珙序

廣西通志凡例

一古者列國有史亦謂之志如鄭志三國志是也故今大書以敘事務簡而盡分註以載言務核而詳法史記也凡大書及分註每遇

本朝惟空一字者做古碑刻例也講武事修文德正風俗得賢才四者關係政體最大必詳書之此修志之大旨也

一志何以首圖經周官輿地必有圖以知險阻掌於士訓圖必有志以知地俗掌於誦訓廣西巖邑也尤不可以缺焉者也圖於前而括其

要於後者凡以便經畧也舊志沿革氣候形勝疆域別自為類皆刪而附之凡以便省覽也先流官所治而後土夷者限內外也

一歷代郡縣紛而難辨剗揚分野錯而難定秩官科第繁而難紀故皆為表表者明也表者之則易明也亦史記體也

一藩封先敘事而後世系者法史記齊魯及三王世家體也所以重天潢也

一山川每郡必標名山大川以為望者法禹貢也每山水必里其遠近者法山海經也

一舊志水利郵典今合而書之曰溝洫者何居

者鄉田同井以相友助疾病相扶持死徙無出鄉皆溝洫之政也溝洫固養民之首務也

一風俗嫩惡皆書者重政化也

一戶口田賦皆仍舊書之惟易土產曰食貨者重民事也

一公署學校乃政教之所自出書院以輔學校之所不及故皆詳書之

一兵防以衛民凡兵署兵制軍官器械屯田馬政軍餉管哨巡檢充額募之屬皆書城池以

保民故凡建置年月廣袤人小之數必書書之詳者何廣西固用武之地也

一壇廟惟書其當祀者宮室臺榭關梁惟書其畧陵墓古蹟惟書其有關係者皆以詳畧見重輕也

一祥異合災祥人事書之者何三才五行其究一理也諸志曷以是終言人必徵諸天也

一名宦有功德於民政績章著者始得書

一流寓顯錄遷謫寓公之賢者非賢雖貴不書舊有罪放一類今分註其後所必懲惡也

一人物凡德業文章有聞者皆為名臣其餘孝友

忠義卓行宦業儒林隱逸列女方技皆因一

節書之因事為論斷者亦史例也

一仙釋酷吏佞幸各為傳者何崇正則必闢邪矣

彰善則必瘅惡矣史之不能無者也

一舊志土官沿革夷情編年今刪節之存其可俗

經畧者為外志疆域山川風俗各以類附者

何春秋大一統之義也

一寺觀亦附外志者何狄之也

一叙事之法要在刪潤有事相干涉不可類附者

總之曰雜事詩文亦有之則總之曰雜著

附之外志

一詩文各以類附分註其下有全取者有節取者

有篇刪其句者有句刪其字者貴傳遠也

一叙府州次第首桂林次右江次平樂蒼梧次左

江者何淮官制也

廣西通志目錄

圖經二卷

表八卷

志三十卷

列傳九卷

外志十一卷

卷第一

圖經上

卷第二

圖經下

卷第三

表一 歷代州郡府縣沿革

卷第四

表二 分野

卷第五

表三 職官

卷第六

表四 秩官

卷第七

表五 秩官

卷第八

表六 秩官

卷第九

表七 選舉

卷第十

表八 選舉

卷第十一

藩封志

卷第十二

山川志一

卷第十三

山川志二

卷第十四

山川志三

卷第十五

山川志四

卷第十六

溝洫志

卷第十七

風俗志

卷第十八

戶口志

卷第十九

田賦志上

卷第二十

田賦志下

卷第二十一

食貨志

卷第二十二

公署志上

廣西通志

目錄

十一

卷第二十三

公署志下

卷第二十四

學校志上

卷第二十五

學校志下

卷第二十六

書院志

卷第二十七

兵防志一

兵署

兵制

卷第二十八

兵防志二

軍官

軍器

卷第二十九

兵防志三

屯田

卷第三十

兵防志四

馬政

軍餉

營砦

卷第三十一

兵防志五

巡司

民壯

打手

卷第三十二

兵防志六

城池

廣西通志

目錄

一一

卷第三十三

壇廟志上

卷第三十四

壇廟志下

卷第三十五

宮室志

卷第三十六

臺榭志

卷第三十七

關梁志